

VINNUMARKAÐURINN Á ÍSLANDI

Yfirlit, horfur og þjónusta VinnuMálastofnunar –Maí 2021

Almennt atvinnuleysi var 9,1% í maí

Almennt atvinnuleysi var 9,1% í maí og minnkaði úr 10,4% í apríl. Atvinnuleysi var 11,0% í mars, 11,4% í febrúar og 11,6% í janúar.

VinnuMálastofnun spáir því að almennt atvinnuleysi minnki áfram í júní m.a. vegna sérstakra atvinnuátaka stjórnvalda og vegna árstíðarsveiflu og verði á bilinu 7,3% til 7,8%.

Almennir atvinnuleitendur þ.e. þeir sem ekki voru með minnkað starfshlutfall voru 17.623 í lok maí og fækkaði um 2.380 frá apríl. Í minnkaða starfshlutfallinu var 3.441 atvinnulaus í lok maí eða um 0,9%. Samtals voru því 21.064 manns atvinnulausir í lok maí og samanlagt atvinnuleysi því 10,0%.


Alls höfðu 6.430 almennir atvinnuleitendur verið án atvinnu í meira en 12 mánuði í lok maí og fækkað um 65 frá apríl. Hins vegar voru þeir 2.563 í maílok 2020.

Atvinnulausum fækkaði í öllum atvinnugreinum í maí 2021 frá mánuðinum á undan, mest í ferðatengdri starfsemi (ferðaþjónustu ýmiss konar, gistiþjónustu, og farþegaflutningum) eða á bilinu 18% til 21%.

Alls komu inn 4.018 ný störf sem auglýst voru í vinnu-miðlun hjá VinnuMálastofnun í maí. Um nokkuð fjölbreytt störf var að ræða, flest voru störf verkafólks í ýmiss konar þjónustu eða 1.231 starf. Flest auglýstra starfa eru átaksverkefni eða reynsluráðningar um 98%, önnur teljast almenn störf. Um 1.362 ráðningasamningar voru gerðir í maí í áttakinu Hefjum störf.

Í maí gaf VinnuMálastofnun út 124 atvinnuleyfi til erlendra ríkisborgara til að starfa hér á landi. Af útgefnum leyfum voru 74 til nýrra erlendra ríkisborgara á íslenskum vinnuMarkaði og 50 leyfi voru framlengd.

Þróun atvinnuleysis júní 2020 til maí 2021




Atvinnuástand eftir svæðum

Samanlagt atvinnuleysi í almenna kerfinu og í minnkaða starfshlutfallinu minnkaði alls staðar á landinu. Hlutfallslega minnkaði atvinnuleysið mest á Vesturlandi, Vestfjörðum og Norðurlandi vestra.


Mesta atvinnuleysið var á Suðurnesjum eða 19,7% þar sem það minnkaði úr 23,0% í apríl. Næst mest var atvinnuleysið á höfuðborgarsvæðinu þar sem það minnkaði úr í 11,5% í apríl og í 10,3% í maí. Minnsta atvinnuleysið var á Norðurlandi vestra 3,7% á Vestfjörðum 4,0% og 4,3% á Austurlandi.

Á meðfylgjandi mynd má sjá heildaratvinnuleysi eftir landsvæðum og hvernig það skiptist í almennt atvinnuleysi og minnkað starfshlutfall.

Próun almenns atvinnuleysis eftir svæðum



Skipting atvinnuleysis í almennt og minnkað eftir landsvæðum




Almenna atvinnuleysið var mest á Suðurnesjum eða 18,7% og minnkaði úr 21,6% í apríl. Næst mest var almenna atvinnuleysið 9,4% á höfuðborgarsvæðinu og lækkar úr 10,4% frá því í apríl.

Á meðfylgjandi mynd má sjá hvernig almennt atvinnuleysi hefur þróast eftir landsvæðum.

Heildaratvinnuleysi karla er nú 9,8% (8,9% í almenna kerfinu) en 10,3% meðal kvenna (9,5% í almenna kerfinu).

Heildaratvinnuleysi er hærra meðal kvenna en karla alls staðar á landinu nema á höfuðborgarsvæðinu. Á Suðurnesjum er atvinnuleysið mun meira meðal kvenna en karla, eða 23,1% alls hjá konum en 17,4% hjá körlum.

Heildaratvinnuleysi eftir kyni og landsvæðum



Greining atvinnuleysis

Greining þeirra sem voru atvinnulausir í lok mánaðar

Almennir atvinnuleitendur þ.e. þeir sem ekki voru með minnkað starfshlutfall voru 17.623 í lok maí, 9.390 karlar og 8.233 konur. Hefðbundið atvinnuleysi í maí þ.e. án minnkaðs starfshlutfalls var 9,1% og minnkaði úr 10,4% í apríl.

Alls voru 1.850 almennir atvinnuleitendur á aldrinum 18-24 ára án atvinnu í lok maí og hefur þeim fækkað um 312 frá apríl 2021 en fækkað um 292 frá maí 2020 þegar fjöldi atvinnulausra á þessu aldrarsbili var 2.142.

Lengd á skrá

Alls höfðu 6.430 almennir atvinnuleitendur verið án atvinnu í meira en 12 mánuði í lok maí og fækkað um 65 frá apríl. Hins vegar voru þeir 2.563 í maílok 2020. Þeim sem hafa verið atvinnulausir í 6-12 mánuði fækkaði

talsvert frá apríl eða um 1.369 og voru 6.089 í lok maí en 7.458 í lok apríl. Í maí 2020 var þessi fjöldi 3.142.

Atvinnugreinar og starfsstéttir


Atvinnulausum fækkaði í öllum atvinnugreinum í maí 2021 frá mánuðinum á undan, mest í ferðatengdri starfsemi (ferðaþjónustu ýmiss konar, gistiþjónustu, og farþegaflutningum) eða á bilinu 18% til 21%. Einnig fækkaði atvinnulausum talsvert í menningartengdri starfsemi vegna rýmkunar á samkomutakmörkunum eða um 14% milli mánaða.

Að því er varðar fjölda atvinnulausra eftir starfsstéttum þá fækkaði atvinnulausum mest við þjónustustörf, meðal sérmenntaðra og við skrifstofustörf frá apríl. Þegar tölur eru bornar saman milli ára er fjölgun atvinnulausra frá maí 2020 hlutfallslega minnst meðal verkafólks, sérfræðinga og iðnaðarmanna. Atvinnulausum fækkaði meðal vélafólks milli ára.

Atvinnulausir erlendir ríkisborgarar

Alls voru 7.065 erlendir atvinnuleitendur án atvinnu í lok maí og fækkaði um 974 frá apríl. Mesta hlutfallslega fækkun atvinnulausra frá apríl var meðal atvinnulausra erlendra ríkisborgara í menningartengdri starfsemi ýmiss konar, í gistinga- og veitingagreinum í flutningastarfsemi og í ýmiss konar þjónustu. Þessi fjöldi samsvarar um 21,0% atvinnuleysi meðal erlendra ríkisborgara. Auk almennra atvinnuleitenda voru einnig erlendir ríkisborgarar á hlutabótaleið eða alls 933.


Hlutfall erlendra ríkisborgara á atvinnuleysissskrá er nú um 40%.



Flestir almennir atvinnuleitendur með erlendan ríkisborgararétt komu frá Póllandi eða 3.411 sem er um 48% allra erlendra ríkisborgara á atvinnuleysissskrá. Því

næst koma Litháar, Lettar, Rúmenar og Spánverjar en færri af öðrum þjóðernum.

Fjöldi atvinnulausra erlendra ríkisborgara skipt eftir þjóðerni í lok maí 2021




Atvinnuleyfi, erlend þjónustufyrirtæki og starfsmannaleigur

Atvinnuleyfi

Í maí gaf Vinnumálastofnun út 124 atvinnuleyfi til erlendra ríkisborgara til að starfa hér á landi. Af útgefnum leyfum voru 74 til nýrra erlendra ríkisborgara á íslenskum vinnumarkaði og 50 leyfi voru framlengd.

Flestir sem fengu útgefið atvinnuleyfi í maí hvort sem var nýtt eða framlengt fengu sérfræðileyfi eða 44 leyfi. Þá voru gefin út 19 námsmannaleyfi og 18 leyfi til íþróttafólks. Þegar atvinnuleyfi eru skoðuð eftir starfsgreinum í maí voru flest leyfi gefin út vegna starfa sem krefjast sérfræði- eða sérmenntunar eða 62%. Um 21% vegna sölu- og afgreiðslustarfa og 11% vegna starfa verkafólks. Um 6% starfa voru í öðrum starfsgreinum.

Ný atvinnuleyfi eftir tegund í maí 2021



Erlend þjónustufyrirtæki og starfsmannaleigur

Samkvæmt skráningu til Vinnumálastofnunar voru 19 erlend þjónustufyrirtæki starfandi í maí 2021 með samtals 98 starfsmenn.


Þá voru starfsmenn starfsmannaleiga, innlendra og erlendra samtals 312 í maí á vegum 18 starfsmannaleiga. Flestir starfsmenn starfsmannaleiga komu frá Póllandi eða 54%, 21% frá Litháen og 15% frá Lettlandi. Þeir sem eftir standa, eða um 10% starfsmanna, komu frá sex öðrum ríkjum.

Atvinnuleit og vinnumiðlun

Flutningur atvinnuleysis-tryggingaréttinda milli Íslands og EES-ríkja

Atvinnuleitendur á Íslandi hafa þann möguleika að geta farið í atvinnuleit innan annars EES-ríkis í allt að þrjá mánuði og halda atvinnuleysisbótum sínum, fái þeir útgefið svokallað U2 vottorð sem Vinnumálastofnun hefur umsýslu með. Í maí var gefið út 191 slíkt vottorð til einstaklinga sem fóru í atvinnuleit til Evrópu. Flestir fóru í atvinnuleit til Póllands eða 128 einstaklingar, 19 fóru til Litháen og átta til Spánnar. Þá voru gefin út 36 vottorð til viðbótar til 14 annarra ríkja.

Útgefin U2 vottorð vegna atvinnuleitar í öðru EES ríki, maí 2021



Einstaklingar sem hafa unnið á Íslandi hafa einnig þann möguleika að óska eftir staðfestingu á atvinnuleysis-tryggingu sinni með það að markmiði að flytja hana til annars EES-ríkis. Í slíkum tilvikum sækja þeir um U1 vottorð. Í maí voru gefin út 43 slík vottorð. Flest vottorðin voru gefin út til Póllands, eða 16 vottorð og fimm vottorð til Spánar. Þau sem eftir standa eða 22 vottorð voru gefin út til 13 annarra ríkja.

Vinnumiðlun

Auglýst störf í vinnumiðlun í maí

Alls komu inn 4.018 ný störf sem auglýst voru í vinnumiðlun hjá Vinnumálastofnun í maí. Um nokkuð fjölbreytt störf var að ræða, flest voru störf verkafólks í ýmiss konar þjónustu eða 1.231 starf. Flest auglýstra starfa eru átaksverkefni eða reynsluráðningar um 98%, önnur teljast almenn störf. Flest starfanna eða 61%, eru á höfuðborgarsvæðinu, 16% á Suðurnesjum og 10% á Suðurlandi. Þá eru 13% annars staðar á landinu. Um 1.362 ráðningasamningar voru gerðir í maí í áttaknu Hefjum störf. Hægt er að skoða fjölda auglýstra starfa og ráðningar í áttaknu Hefjum störf ef smellt er á eftirfarandi link:

<https://vinnumalastofnun.is/maelabord-og-tolulegar-upplýsingar/maelabord-hefjum-storf>

Auglýst störf eftir starfsstétt	Fjöldi	Hlutfall
Stjórnunar- /sérfræði- /skrifstofustörf	1.208	30%
Þjónustustörf	1.184	29%
Afgreiðslustörf	191	5%
Iðnaðarmenn	184	5%
Verkafólk í þjónustu	1.231	31%
Verkafólk í iðnaði, landb. o.fl.	20	0%
Samtals	4.018	100%

Pátttaka í vinnumarkaðsúrræðum


Einn hluti vinnumarkaðsaðgerða er að bjóða atvinnuleitendum upp á fundi, námskeið, námsleiðir, endurhæfingu og önnur úrræði sem eru til þess fallin að styrkja stöðu atvinnuleitandans í atvinnuleit sinni. Vinnumálastofnun leggur mikla áherslu á að halda fólki í virkni enda sýna rannsóknir fram á mikilvægi þess. Allar þjónustuskrifstofur Vinnumálastofnunar bjóða upp á námskeið af ýmsum toga í samstarfi við símenntunarstöðvar og aðra námskeiðshaldara. Þá stendur atvinnuleitendum til boða að taka þátt í þjálfun og frumkvöðlastarfi innan fyrirtækja eða stofnana og fara af skrá í allt að sex mánuði á meðan á úrræðinu stendur.

Í maí tók 5.071 einstaklingur þátt í hinum ýmsu úrræðum. Um 361 einstaklingur fór í ýmiss konar grunnúrræði. Grunnúrræði eru stutt úrræði sem standa öllum atvinnuleitendum til boða. Þar má nefna starfsleitarnámskeið, ferilskrárgerð, markmiðasetningu og sjálfsstyrkingu. Þá fóru 574 einstaklingar á ýmiss konar námskeið. Í flestum tilvikum var þar um að ræða íslenskunámskeið en einnig fóru margir á önnur starfstengd námskeið. Þá var 871 einstaklingur skráður í lengra nám á framhalds- eða háskólastigi og 363 einstaklingar voru skráðir í úrræðið Nám er tækifæri þar sem atvinnuleitendum býðst að stunda fullt nám á atvinnuleysisbótum í eina önn.

Atvinnuleitendur hafa haft möguleika á að vinna að þróun eigin viðskiptahugmynda með aðstoð ráðgjafar

og handleiðslu til þess að skapa sér starf til framtíðar. Í maí unnu 64 einstaklingar að slíkri hugmynd. Þá voru 2.795 einstaklingar í starfstengdum vinnumarkaðsúræðum, flestir á ráðningarstyrk innan fyrirtækja og stofnana.

Þátttaka í námskeiðum og úrræðum í maí 2021



- Grunnúræði
- Námskeið
- Námskeið í framh.sk./háskóla
- Nám er Tækifæri
- Frumkvæði
- Nýsköpunarstyrkur
- Ráðningarstyrkur

Ítarlegri upplýsingar um atvinnuleysi og þróun þess má finna á vefsíðu okkar:

Mælaborðið sýnir atvinnuleysistölur út frá ýmsum þáttum 2 ár aftur í tímann, þar sem sjá má á myndrænan hátt samanburð eftir bakgrunni s.s. kyni, aldri og sveitarfélögum.

Excelskjöl með tölulegum upplýsingum yfir lengri tímabil, ítarlega niður brotið eftir bakgrunnspáttum.

Pdf skjöl fylgja mánaðarskýrslu og auðvelt er að prenta út. Þar er að finna samanburð við fyrri mánuð og sama mánuð fyrir ári síðan, brotið niður m.a. eftir kyni og aldri.

Hér er að finna upplýsingar um mælingu á skráðu atvinnuleysi og aðrar forsendur fyrir tölum